

Kiroldegia ♦ Bikote kubatarrak dio arazorik gabe moldatu direla Bidasoako bizimodura

Kubatik Irunera

Julio Fis eta Gladys Fernandes, sorterria utzita, Irunera etorri dira, Bidasoa eta Txingudi taldeetan jokatzera



GARI GARAIALDE

Julio Fis eta Gladys Fernandes bikote kubatarra, Irunen, Artaleku Kiroldegi ondoan duten etxean.

Juanma Sarasola / Irun

KUBATIK etorritako bikotea da Julio Fis eta Gladys Fernandesek osatutakoa, eta Irunen (Gipuzkoa) dute etxebizitza, Artaleku Kiroldegitik gertu. Kirolagatik etorri ziren Euskal Herrira: Julio Irungo Bidasoa eskubaloitako jokalaria da, eta haren neska-laguna Gladys Irun-Hondarribiko Txingudi saskibaloitako taldekoa.

Duela bost hilabete iritsi zen Julio Irunera, Hungarian bi urtez jardun ondoren. Gladys denbora gutxiago darama hemen: bi hilabete eskas.

Julio Bidasoako taldean segituan integratu bazen ere, Gladys Txingudi taldearekin oraingoz entrenatu besterik ezin da egin; izan ere, Txingudi saskibaloitako Ligako Lehen Mailako taldea izaki, partidua ofizialetan ezin du Europako Batasunetik kanpoko jokalaririk kantxaratu. «Espainiako nazionalitatea hartzea da atarabidea», esan digu Gladys, eta afera tramitatzeko fasean dela. Taldea Ohorezko Mailara igoko balitz, ez legoke horrela arazorik.

JULIO FIS
Irungo bizimoduaz
■■■ *«Irunen gustura bizi gara, eta taldekideek ondo hartu gaituzte»*

GLADYS FERNANDES
Etorkizunaz mintzo
■■■ *«Txingudi taldean jokatu eta jokalaria eta pertsona gisa hobetu nahi dut»*

Biak ala biak «arazorik gabe» moldatu dira hemengo bizimodura. «Europako beste herrialdeekiko aldea dago hemen, jende asko ibiltzen baita kalean; Kuban martxa handia dugu, eta hemen ere halako zer-bait gertatzen dela nabaritu dut», dio Julio. Biek Euskal Herrian «hotza» pasatu dute, hala ere.

Bikote kubatarrak dio egu-

nero ia antzeko bizimodua daramatela. «10:00etan jaiki eta 11:00etan entrenatzen naiz, 13:00etan etxera iritsi eta telebista kirolak ikusten ditut, ondoren elkarrekin bazkaltzen dugu eta 18:00ak arte-edo lo kuluxka egiten dugu; 19:30etan berriro entrenatzera joaten naiz, eta 22:00ak aldera berriz etxeratuta, afaldu eta telebista ikusten dugu», dio Julio. Gladys antzeko ordutegia du: «Asteburuetan, partidaz gain ez dugu beste munduko gauzarik egiten; aski etxezuloak gara, eta buelta txiki bat egin ondotik, goiz etxeratzen gara».

Jaso duten harreraz galdetuta, biak kontent ageri dira. «Hemen gustura gaude, taldekideek ondo hartu gaituzte. Gainera, haiekin buelta bat ematera edo zinemara joateko esaten digute». Gladys eta Julio 1991n ezagutu zuten elkar, biak Kubako selekzioetako kide gisa kontzentratuta zeudela, artean 16-17 urteko nerabeak zirela, eta orduz gerotik dira bikote.

Kirol alorrean Kubaren eta Europaren artean bada ezber-

Ezaugarriak

Julio Fis

Bidasoako eskubaloitako jokalaria



Bidasoako ezker laterala da, eta 1974. urteko urriaren 28-an sortu zen, Holguinen (Kuba). 1,93 metro da luze, eta 96 kilo. Heziketa Fisikoko lizentziaduna, Kubako selekzioan aritua da arrakasta handiz. Irunera etorri aitzin, Hungariako talde batean ere jokatu zuen, bi urtez.

Gladys Fernandes

Txingudiko saskibaloitako jokalaria



Saskibaloitako jokalaria da, pibota, baina oraindik ezin du jokatu, baimena tramitatzeko ari direlako. 1974. urteko apirilaren 4an jaio zen, Matanzas (Kuba). 1,94 metro da luze. Matanzas taldean eta Kubako selekzioan ibilia da.

dintasunik, Julio eskubaloitako jokalaria iduriko: «Kuban amateurrek gara, eta jokalaria onak sortzen direnean, toki batean kontzentratu eta arreta guztia emateaz gain, entrenamendu programan sartzen dituzte, baina gero, nazioarteko norgehiagokak kenduta, ez da lehiaketarik izaten. Bestalde, jokatu aurretik ez da kontrarioa ezagutzeko eginahalik egiten, ez da, Europar bezala, bideoa erabiltzen».

Euskal Herrira profesional moduan etortzean, Kubako selekzioarekin jokatzeari agur esan behar izan diote biek, eta hemen «jokalaria onak» izatea dute helburu. Gladys dioenez, ordea, badute beste helburu bat: «Jokatzen hastea eta jokalaria gisa aurrera egitea da gehien desiratzen dudana, baina baita pertsona gisa hobetzea ere».

Portland

Errekondok zuntz haustura du baina baliteke Santanderren jokatzera

Gerrialdea ongi lotuz gero, jokatzeko moduan izan daiteke

Erredakzioa / Iruñea

ASTELEHENEAN eginiko lehen mediku azterketak zuntz hausturarik ez zela zioen arren, atzo albiste txarrak jaso zituen Xabier Mikel Errekondok, erresonantzia magnetikoak zentimetro t'erdiko haustura aurkitu baitzion gerrialdean. San Antonioko pibotak kolpe gogorra hartu zuen igandean BM Cantabriaren aurkako partiduan —Errekopako final-laurdenetako joanekoan—, eta azken ordura arte ez du jakingo larunbatean Santanderren itzulerakoa jokatu ahal izan duen edo ez. Dena den, Xabier Mikel baikor agertu da: «Behartu behar badut ere, gerrialdea ongi lotuz gero, uste dut jokatzetik izango dudala, betiere mina jasateko modukoa bada».

Anjel Rekarte medikuak osteguna arte atseden hartzeko gomendatu dio, eta orduan hasteko entrenatzen, betiere kontu handiz eta gehiegi behartu gabe.

Bestalde, klubak bidaia antolatu du Santanderre-ra joan nahi duten jarraitzaileentzat. Autobusa eta sarrera 3.500 pezetan jarri dute, eta interesatuta daudenek Viajes Iberian egin beharko dute eskaera.

Portlandek ez du Masip fitxatu

Fermin Tajadura presidentek eta Zupo Ekisoin entrenatzaileak ukatu egin dute Portland San Antoniok Enric Masip Barcelonako jokalaria fitxatu duela datorren denboraldirako. «Jaz ere zabaldua zurrumurrua da, baina gezurra da», esan du Tajadurak. Ekisoin Alemaniara doala ere zabaldua da, eta Ademarrek Cadenasek hartuko duela taldea hurrengo denboraldian, baina hori ere ukatu egin dute presidentek zein entrenatzaileak.